

23. "Cognitio, quæ quattuor illas res desideratas tanquam præmium
" accipit, temporis conditio, quattuor æva complectens, genus humanum e
" quattuor tribubus consistens: omnia prodeunt e te, quattuor oribu
" prædito.

24. "Homines devoti, mente exercitationibus cohibita, te, in corde com-
" morantem, lucidum investigant, liberationis æternæ caussa.

25. "Quisnam cognovit naturam tuam, non nati, natales amplectentis,
" desiderio vacui, inimicos occidentis, dormientis, vigilantis?

26. "Sono aliisque rebus sensualibus frui, acerrimasque castigationes
" subire vales; homines regere, et tamen extranei instar vivere.

27. "Viæ ad consummationem ducentes, quamquam in libris multifa-
" riam divisæ, in te unum concurrunt, veluti *Gangæ* fluctus in oceanum.

28. "Iis, qui in te animum dirigunt, tibi opera sua committunt, cupidi-
" nisque expertes sunt, tu es via, eo ducens, unde nullus reditus datur.

29. "Magnitudo tua, terra aliisque rebus manifestata, quamquam oculis
" exposita, tamen definiri nequit: quidnam dicendum de te, ex solis libro-
" rum sacrorum conclusionibus colligendo?

30. "Eo, quod sola tui recordatio hominem purum reddit, jam indica-
" tum est, quanti fructus futuri sint iis, qui alio modo in te versantur.

31. "Quanto margaritæ præstant oceano, quanto splendor antecellit soli,
" tanto facta tua laudibus sunt altiora.

32. "Non datur quidquam, quod non adeptus sis, et cujus compos fieri
" cupias: nil enim, nisi mundi amor natalium actionumque tuarum caussa
" est.

33. "Quod vox, magnitudinem tuam laudans, loquendi finem facit, hoc
" fit propter fatigationem, non ac si virtutes tuæ tantulæ sint."

34. Ita dei propitium sibi reddere studebant illum, sensibus superio-
" rem: illa enim verarum altissimi dei virtutum enumeratio erat, non vero
" laudatio.

35. Ei, qui interrogatione de illorum salute favorem suum indicaverat,
" dei narrabant periculum, ipsis imminens a *Rákshasō*, velut ab oceano,
" præter diluvium litora superante.